

Բ Ն Ա Կ Ա Ն Ն Կ Ա Ր Ա Գ Ի Ր

3. ԲԱՐՁՐԱՒԱՆԿԱԿՔ. — Ըստ երկրաբանական գրքին աշխարհս Հայաստան ճահապէս կոչի Լեւոնակղզի՝ յուսադադոյն աշխարհագրէ ժամանակին (1), և արգարե Զանգերձ սահմանակից աշխարհզքն՝ Փոքր Հայտլք, Կովկասաւ և Պարսկաստանեք ամբառնայ 'ի միջի ծովուցն և ծովասարած դաշտագետնին Միջագետաց՝ բարձրաւանդակ մի մեծ, 3-8000' (2) 'ի բարձրաւանդակ ժայռաձեւ կոհակոք լերանց, որք ուրեք ուրեք երկպատիկ ևս առաւել վերամբառնան 'ի հարթակողմ՝ երեսաց նորուն, բարձրագոյնք լինելով քան զամենայն աշխարհս արեւմտեան Ասիոյ, որում՝ գագաթնանայ հըսկայակոյտն Մասիս 16254' հասակաւ: Ալ լեձեւ ստորոտք պարաձիգ լերանց և միջոցք անպարիցն՝ գործեն զառանձին բարձրաւանդակն կամ զընդարձակ լեւանդաշտս և լեւնահովիտս. որպիսիք են յարեւմուտս հիւսիսոյ աշխարհիս՝ Ճորոխոյ դաշտն 6-7000': Ախլցիայն յեւրոյ նորա՝ 3000' . և դաշտք Կարնոյ 5750-6000', Երզնկայն 4-5000', Բասենոյ 5000', Շուշար և Թէքման 5300-5500'. որոց վասն Ա աշխարհն Հայոց յորում պարագրին դաշտքս՝ անգասին 'ի վաղ ժամանակաց Բարձր կոչեցաւ Հայք, զոր և հին աշխարհագիրս մեր « Բարձր՝ ոչ միայն քան զՀայք, քան ևս, այլ եւ քան զամենայն երկիր. վասն որոյ ԿԱՅՍԵՐ ԵՐԿՐԻ Կոչեցին զնա », — Դաշտն խարբերող կամ Դ հայոց 3000-3300'. — Այրարատեանն ընդարձակ դաշտ 'ի բազում բարձրաւանդակս զանազանաչափս արոհեալ 'ի լերանց, որպէս Երասխայն 2750-3500', Շիրակայն և Վանանդայ 4300-5200', հիւսիսային Արագածոտան ց'6300'. — Արեւելեան Եփրատայ բարձրաւանդակն՝ որ է Մուրատ գետոյ կամ Պայէղդոտայ 4500-5000'. — Մշոյ դաշտն 3500'. — Տոսպայն այսինքն արեւելից և հարաւոյ Վանայ 6000-6500'. Աղբակայն 7500 . — Արտազու կամ Մակուայ 5000'. Սեւանայ լեւնահովիտքն 6-6500'. և 'ի հարաւոյ սորա վերագոյն ամենայն բարձրաւանդակայն Հայոց 'ի հիւսիսակողմն Գարապազու՝ լեւնակոհակ երկիր իբր 120 մղոն չըջպատաւ բարձր 8500', աւելի և պակաս: Չնստագոյն է արեւմտեայ հարաւային կողմն աշխարհին սահմանակից Միջագետաց, սակայն և այն 1600-2000' բարձր. իսկ արեւելայքն հարաւայինք որ 'ի Քրդաց կողմանս՝ կարն բարձունք են 5-7000'. բարձր է և Արտապտական աշխարհ որ յարեւելից Քրդաց իբր 4-5000':

(1) Ռիդեր Գերմանացի, Ritter.
 (2) Այսինքն յերկից ցուլ՝ հազար ոտնաչափ. և չափ ոտիցդ է գաղղիականն կամ Բարբիզու, որ է 144 գծաչափ կամ 0,32484 մետրի. իսկ մղոն զաշխարհագրականն վարեմք 'ի տեղագրութեանս յայսմիկ, որ է $\frac{1}{60}$ աստիճանի միոյ, կամ 5702 ոտք, այսինքն 1852 չափ (մետր) գաղղիական:

4. ԴԱՇՏՔ. ԽՈՊԱՆՔ. — Ի բարձրաւանդակն բովանդակին և արգաւանդաճող դաշտքն Հայոց, յորս ընդարձակութեամբ և հարթութեամբ նշանաւոր են Բասենոյ և Շիրակայն և Կարնոյ, Մշոյ, խարբերող, և Երզնկայ. և ընդարձակագոյն քան զնոսս Դաշտն Ամդայ: Ընդ մէջ Ալաշկերտու և Մուրատ գետոյ և Բասենոյ են գաշտածաւալ երկզուտքն Թուրու, Գաւա-էաւու, և այլն: Բայց բուն ընդարձակածաւալ դաշտային և խորանիստ երկիր է Ուտի աշխարհ և Աղուանից աշխարհն զափամբք արեւելեան Կուրայ, 'ի կողմանց Գանձակայ ցԵրասխ գետ, և աստի 'ի վայր՝ Մուրանն անապատ երկզուտ ցտահմանս Թալիշայ. որով լինի ընդ երկայնն 'ի հարաւոյ ընդ հիւսիս իբր 120 մղոն, և ընդ լայնն՝ յեւրոյ 'ի մուտս յափանց Կասպիականին ցլեւնակողմանս Արցախոյ, այսինքն ցտահմանն Շուշարայ, ոչ պակաս քան զ'100 մղոն, բայց հիւսիսակողմն անձուկ 25-30 մղոնաւ չափ. այլ և 'ի Գանձակայ և 'ի վեր՝ սակաւուք 'ի բուն Հայակողմն Կուրայ որ է յաջմէ, և յորվագոյն յահեկէն 'ի բուն աշխարհին Աղուանից, ընդ մէջ գետոյն մեծի Կուրայ և օժանդակաց նորուն՝ Եոսայ և Ալազանի՝ ձգին խոպան դաշտքն Գաւաճա և Ուտապա (ի հնունս Բալասական դաշտ), մինչև 'ի կողմանս Սղնիսայ և Կախութու, ցածագոյն պարուք լերանց կարեալ ընդ երկայնն զուգահեռաձև. զոր և մարթ է զերկիրս զայս արձակածաւալ իբր 10000 մղոն քառակուսի՝ կոչել մեծ Դաշտ և Անապատ Հայոց, բայց ոչ անդալար և անշէն որպէս զաւազուտ անապատս:

5. ԼԵՐԻՆՔ. — Բովանդակ աշխարհն Հայոց 'ի միջի կրկին մեծաց պարուք լերանց արեւմտեան Ասիոյ կայ, Կովկասայ ըստ արեւելից հիւսիսոյ և Տաւրոսի ըստ արեւմտից հարաւոյ, որոց և ոսոս իսկ ասացին ոմանք զամենայն լերինս Հայոց. որք ուրեք աղնաղետալք են և ուրեք կարճաձիգք, և բազում այն է զի անխաղացք և մեկնակէ չեղածեւ ամբարձեալք: Մարթ է իբր և 'ի տասն պարս և 'ի կոյտս արոհեալ զլերինս Հայոց, անուանելով այսպէս. — Ա. ՊԱՐ ԽԱՂՏԵՍԿ ԿԱՄ ՊՈՏՏԱՆ ԼԵՐԱՆԿ, որք յարեւելից և 'ի հարաւոյ Սեւա ծովուն՝ 'ի բաժնին Հայոց յարեւմտեան հիւսիսի գործեն բազուկս զուգահեռականս, և անջրպետս Ճորոխի և Եփրատայ. 'ի հիւսիսակողման պարուս են լերինք Պալխարայ յորս բարձրն խաւար կամ Վարաճիկ (որ է Վարշամակ) իբր 12000' 'ի կողմանս Համփնու, այս բազուկ երկայնեալ պատի զհարաւուլ Պոնտոսի. 'ի հարաւոյ սոցնն ԼԵՐԻՆՔ ՍԿԵՐՈՒ և Բաբերդու, յորոց միջի խաղայ Ճորոխ, ըզնեալ 'ի Գոհնաձ լեւնէ բարձուէ. 'ի հարաւոյ սոցս երրորդ բազուկն Կոթայ լերանց (Քոթատալ) որք յարեւմտակողմն սահման հատանեն ընդ Փոքր և ընդ Մեծ Հայք, և բարձրագոյնք են 'ի համօրէն պարուն: — Բ. ՏԵՂԱՑ ԼԵՐԻՆԿ որք յիջն 'ի նախ-